

Visoki predstavnik izrazio punu podršku radu Međunarodnog krivičnog tribunala za bivšu Jugoslaviju



Visoki predstavnik Valentin Inzko izrazio je punu podršku radu Međunarodnog krivičnog tribunala za bivšu Jugoslaviju na sastanku s glavnim tužiocem Sergeom Brammertzom koji je održan danas u Sarajevu.

„Međunarodni tribunal je dao glas žrtvama koji se nekoć možda ne bi čuo“, rekao je visoki predstavnik, dodavši da Međunarodni tribunal i dalje igra ključnu ulogu u omogućavanju Bosni i Hercegovini da prihvati i prevaziđe svoju tragičnu prošlost.

„Podržavati borbu protiv nekažnjavanja ratnih zločina znači poštivati presude Tribunala i pružati zaštitu Tribunalu od onih koji nastoje podrivati njegov rad iz razloga koji se više tiču politike, a ne pravde“, rekao je Inzko.

Visoki predstavnik Inzko i glavni tužilac Brammertz složili su se da bi, u svjetlu okončanja mandata Međunarodnog tribunala, fokus trebao biti na tome da se osigura da u Bosni i Hercegovini postoje snažne, nezavisne i sposobne pravosudne institucije. Oni su pozdravili međunarodnu pomoć koja se pruža

pravosudnim institucijama, čime se jača kapacitet BiH kako bi se slučajevi ratnih zločina nezavisno i efikasno rješavali.